

張司業集

四部叢刊初編集部

上海商務印書
館縮印明刊本

張司業集序

翰林學士中書舍人 張洎撰

司業諱籍字文昌和州烏江人也貞元十五年丞相
渤海公下及第歷官太祝祕書郎國子博士水部員
外郎國子司業公爲古風最善自李杜之後風雅道
喪繼其美者唯公一人故白太傅讀公集曰張公何
爲者業文三十春尤工樂府詞舉代少其倫又姚秘
監嘗讀公詩云妙絕江南曲淒涼怨女詞古風無手
敵新語是人知其爲當時文士推服也如此元和中
公及元丞相白樂天孟東野調天下宗匠謂之元
和體又長於今體律詩貞元目前作者間出大抵互
相祖尚拘於常態迨公一變而章句之妙冠於流品
矣自皇朝多故荐經離亂公之遺集十不存一予自
丙午歲迄至乙丑歲相次緝綴僅得四百餘篇藏諸
篋笥餘則更俟博訪以廣其遺闕云爾

唐司業張籍詩集序

唐開元盛時杜甫李白高適儲光義王維諸賢至大
曆以後已兩變矣當時以文名家者有韓愈柳宗元
李翱張籍之徒相與奮起振六朝五季漓沆之習而
自成一派之言韓昌黎柳柳州李協律集俱盛傳惟
張司業按唐史云有集七卷不傳余登進士同年沁
水常倫明卿授以錄本蓋以乃翁侍御所藏者惜不
見其全集所幸有古體七首今體三首四首後余於
戴籍中又得樂府五七言古詩三十首今體五十二
首而次編之共得三百九十三首夫詩文至五季壞
亦極矣而元和中昌黎公特振衰頹以古文自任其
議論正大氣象雄偉可以羽翼六經而柳宗元得敘
事之體變化莫測起伏層迭昔人評其文曰韓愈之
文出於經柳宗元之文出於史故一時文人響應而
李翱張籍出入門下爲昌黎厚友籍性狷直率博聞
好古議論勝人其排佛老嘗言不能著書如孟軻楊
雄以垂世觀其昌黎代作李浙東一言議論風生期
大之意甚深謂其善爲樂府使人憑几而聽之未必
不若絲竹管絃敲金擊石也其送孟東野序曰孟郊
東野始以其詩鳴高出魏晉從吾遊者李翱張籍其

尤也三子者之鳴信善鳴矣抑不知天將和其聲而使鳴國家之盛邪抑將窮餓其身思愁其心腸而使自鳴其不幸邪三子之命則懸于天矣其在上也奚以喜其在下也奚以悲韓愈之哀三子之才至於如此余并其詩而觀之其樂府詩景真情真有風人之意而五言近體又皆勁健清雅脫落塵想俱從胸臆中出然後知昌黎之詩豐而腴柳州之詩峭而勁司業之詩新而奇李翱之詩悲而壯卒皆可傳惟東野之詩則有窮促寒苦之狀吾恐溫厚之教或不若是觀者自有巨目不待余贅言也今昌黎原道功業爲唐獨出血食廟庭而柳州李翱張籍之文爲世所珍是和其聲而鳴其盛非窮悲而自鳴矣而今而後知人能文章其命之遇與不遇蓋不足悲喜也張籍宇文昌和州烏江人貞元十五年及第歷官大祝秘書郎昌黎薦之遷國子博士轉水部員外郎歷主客郎中卒授國子司業云

正德乙亥秋七月吉河中東峰劉成德序

唐張司業詩集目錄

卷之一

五言古詩

野居

雜怨

七言古詩

寄遠曲

征婦怨

野老歌

送遠曲

猛虎行

牧童詞

求仙行

各東西

謙客詞

採蓮曲

吳官怨

關山月

白頭吟

賈客樂

西州

三原李氏園宴集

行路難

白紵歌

寄永曲

築城詞

別離曲

沙堤行呈裴相公

古釵嘆

節婦吟

永嘉行

傷歌行

北邙行

少年行

將軍行

羈旅行

車遙遙

妄薄命

朱鷺曲

遠別離

楚官行

江南行

烏啼引

促促詞

宛轉行

卷之二

五言律詩

薊北旅思

江南春

西樓望月

別鶴

江陵孝女

山中古祠

漁陽將

聽夜泉

送南遷客

薊北春懷

思遠人

贈同谿客

望行人

送宮人入道

送越客

贈辟穀者

思江南舊遊

夜到漁家

送遠使

不食姑

古苑杏花

送流人

宿臨江驛

送蠻客

襄國別友

送遠客

上國贈日南僧

征西將

寄友人

送防秋將

律僧

山中秋夜

送南客

宿江店

嶺外逢故人

出塞

寄紫閣隱者

夜宿黑龍谿

古樹

送徐先生歸蜀

隱者

送友人歸山

營谿西亭晚望

哭山中友人

答僧枉杖

霧都觀李道士

送韋評事歸華會

送閩僧

送海客歸舊島

登咸陽北寺樓

送新羅使

宿廣德寺寄從舅

宿卽卿館寄馬微州

舟行寄李湖州

送開師歸江南

遊襄陽山寺

登城寄王建

送從弟戴玄往蘇州

送朱慶餘及第歸越

過賈島野居

酬韓庶子

贈姚合少府

送僧遊五臺兼謁李司空

送鄭秀才歸寧

送李評事遊越

閑居

寄昭王中丞

酬孫洛陽

送人任濟陰

晚春過崔駙馬東園

晚秋閑居

和裴司業習靜寄所知

酬韓祭酒雨中見寄

和裴僕射秘官言志

酬白二十二舍人早春曲江見招

酬陸僕射朝回寄韓吏部

春日李舍人宅見兩省諸公唱和因書情即事

和李僕射秋日病中作

早春病中

送嚴大夫之桂州

詠懷

留別江陵王少府

使至藍谿驛寄太常王丞

贈海東僧

寄漢陽故人

送安西將

題李山人幽居

早春閑遊

贈太常王建藤杖筇鞋

和周贊善聞子規

送李騎曹靈州歸觀

寒食夜寄姚御

題清徹上人院

和裴司空即事通簡舊僚

使回留別襄陽李司空

和吏部令狐尚書喜裴司空見招看雪

和裴司空以詩請刑部白侍郎雙鶴

同錦州胡郎中清明日對雨西亭宴

莊陵挽詞

三首

和左司元郎中秋居詩

經王處士原居

不食仙姑山房

江頭

寄孫冲主簿公

贈任儼

舊官人

春日留別

沒蕃故人

卷之三

五言排律

和李僕射雨中寄盧嚴二給事

酬李僕射晚春見寄

憶盧常侍

寄奉山縣隱者

和令狐尚書平泉東莊近居李僕射有寄

送鄭尚書出鎮南海

徐州試反舌無聲

省試行不由徑

新城甲仗樓

贈殷山人

夏日可畏

固象得玄珠

和李僕射西園

卷之四

七言律詩

送裴相公赴鎮太原

寄元員外

贈梅處士

贈王秘書

謝裴司空寄馬

酌秘書王丞見寄

送李餘及第後歸蜀

早朝寄白舍人嚴郎中

書懷寄元郎中

贈僧道

書懷寄王秘書

題韋郎中新亭

送楊州判官

喜王起侍郎放牒

贈王司馬

書懷

贈令狐博士

送從弟嗣東歸

贈王秘書

哭丘長史

送校江劉明府

送從弟微東歸

哭十入遇

贈賈島

逢王建有贈

移居靜安坊答八郎中

送楊少尹赴鳳翔

送韓侍御歸山

新除水曹郎答賀

送楊少尹赴蒲城

哭元九少府

送侯判官赴廣州從軍

答白杭州登望閣見寄贈趙將軍

送和蕃公主

朝日勅賜櫻桃

寒食內宴二首

和裴司空酬滿城楊少尹

太白老人

寄和州劉使君

贈南州王使君

寄令狐賓客

寄梅處士

送施肩吾東歸

崑崙兒

贈李杭州

送鄭尚書赴廣州

拜豐陵

贈孔尚書

酬杭州白使君燕寄浙東元大夫

寄蘇州白二十二使君

賀秘書王丞南郊攝將軍

送令狐尚書赴東都留守

送白賓客分司東都 贈闕少保

贈別王侍御赴任陝州司馬

田司空入朝

送浙西周判官

送胡鍊師歸王屋

送鄆州林使君

寄王六侍御

送稽亭山寺僧

送汀洲元使君

寄孫洛陽格

胡山歸王屋因有贈

寄廬州韓使君

送從弟濠赴饒州

羅道士

寄陸渾趙明府

贈王侍御

同蔣常二少監贈李郎中

送金少卿副使歸新

送李司空赴鎮襄陽

送李僕射赴鎮鳳翔

寄白二十二舍人

卷之五

五言絕句

和韋開州居山十二首

宿雲亭

茶嶺

盤石磴

竹巖

胡蘆沼

繡衣石榻

送遠客

禪師

題暉師影堂

野田

卷之六

七言絕句

送蜀客

宿山祠

蠻州

寄徐晦

喜王六同宿

與賈島閑遊

梅溪

流杯渠

桃塢

琵琶臺

隱月岫

上士泉餅

寄西峰僧

惜花

涇州塞

岸花

送元結

美人宮基

送元宗簡

寄白學士

題玉像堂

哭丘長史

哭孟寂

答劉兢

逢故人

送辛少府任安縣

招周居士

送律師歸婺州

送駱師

尋徐道士

憶故州

送陸暢

贈李司議

登樓寄胡家兄弟

酬藤杖

寄故人

和崔駙馬聞蟬

和長安郭明府與友人縣中會飲

唐昌觀看花

贈姚合

同韓侍御南谿夜賞

重陽日至峽道

患眼

贈華嚴院僧

送蕭遠弟

贈任道人

送許處士

題楊秘書新居

送僧往金州

答開州韋使君

送客遊蜀

感春

別客

答劉明府

法雄寺東樓

鄰婦與征夫

和裴僕射看櫻桃花

九華觀看花

同京員外開元觀

使行塋悟真寺

贈主客劉郎中

同京員外開元觀

使行塋悟真寺

同嚴給事聞唐昌觀玉藥近有仙過作

二首

秋思

憶遠

玉仙館

寄府吏

張蕭遠雪夜同宿

涼州詞三首

官詞

華清宮

崔駙馬養鶴

閑遊

劉兵曹贈酒

送梧州王使君

春日早朝

寄朱闕二山人

寄李渤

尋仙

同白侍郎杏園贈劉郎中

答鄱陽客藥名詩

寄宋景

寄王奉御

題渭北寺上人

閑遊

倡女詞

答元八遺紗帽

題僧院

送元八

吳楚詩詞

題方睦上人月臺觀

華山廟

病中酬元宗簡

寺宿齋

贈施肩吾

贈王建

逢賈島

楚妃怨

離官怨

成都曲

寒塘曲

春別曲

臺城

春詞

浪淘沙詞

傷愚溪二首

聽舊宮人穆氏唱歌

楊柳枝詞二首

宿都庭有懷

無題

堤上行二首

竹枝詞五首

楊柳送客

送客還幽州

楊州送客

隋宮燕

山禽

秋山

王貞觀

蠻中

贈道士

重平驛作

宿天竺寺寄盧隱寺僧

卷之七

樂府三十三首

隴頭燈

廢宅行

秋夜長

塞曲

董逃行

江村行

湘江曲

白鷺吟

樵客吟

春江曲

烏棲曲

短歌行

泗水行

雪重行

長塘湖

雀飛多

寄葛蒲

山頭鹿

憶遠曲

春堤曲

湖南曲

春水曲

送遠曲

楚妃怨

春日行

廢瑟詞

洛陽行

懷別

離婦

新桃

惜花

古風二十七首

董公詩

學仙

沈千運舊居

懷友

寄韓愈

別段生

贈姚懿

傷于鵠

和李僕射西園

獻從兄

南歸

臥疾

贈孟郊

城南

夜懷

奉和舍人叔直省時思

琴

野寺後池寄友

寄別

病中寄白學士拾遺

雨中寄元宗簡

岸花

惜花

別于鵠

野神

秋山

山禽

祭退之

野居

卷之八

一十九首

山中贈人

岳州晚景

水

送安法師

寄霽一上人初歸雲門夏日閒居

老將

秋閨

山中春夜

調浙東元尚書見寄

贈項斯

題故僧影堂

弱柏院僧影堂

聯句

會合聯句

春池汎舟

宴興化池亭

首夏猶清和

薔薇花

西池落泉

唐張司業詩集目錄終

唐張司業詩集卷一

國子司業張籍 文昌

五言古詩

野居

貧賤易爲適荒郊亦安居端坐無餘思彌樂古人書
秋田多良苗野水多遊魚我無未與網安得充廩厨
寒天白日短簷下煖我軀四肢漸寬柔中腸鬱不舒
多病減志氣爲客足憂虞况復時節晚覽景獨踟蹰

西州

羌胡據西州近甸無邊城山東收稅租養我防塞兵
胡騎來無時居人常震驚嗟我五陵間農者罷耘耕
邊頭多煞傷士卒難全形郡縣發丁役丈夫各征行
生男不能養懼身有姓名良馬不念秣烈士不苟營
所願除國難再逢天下平

雜怨

切切重切切秋風桂枝折人當少年嫁我當少年別
念君非征行年年長遠途妾身甘獨處高堂有舅姑
山川豈遙遠行人自不返

三原李氏園宴集

暮春天早熱邑居苦暑煩言從君子樂樂彼李氏園
園中有草堂池引涇水泉開戶西北望遠見嵯峨山
借問主人翁北州佐戎軒僕夫守舊宅爲客施榻筵
高壤有餘滋竹樹芳且鮮傾我所持觴盡日共留連
踈拙不偶俗常喜形體閑况來幽棲地能不重笑言

七言古詩

寄遠曲

美人來去春江暖江頭無人湘水滿浣沙石上水禽
栖江南路長春日短蘭舟桂楫常渡江無因重寄雙
環璫

行路難

湘東行人長嘆息十年離家歸未得弊裘羸馬苦難
行僮僕飢寒少筋力君不見牀頭黃金盡壯士無顏
色龍蟠泥中未有雲不能生彼升天翼

征婦怨

九月匈奴殺邊將漢軍全沒遼水上萬里無人收白
骨家家城下招魂葬婦人依倚子與夫同居貧賤心
亦舒夫死戰場子在腹妾身雖存如畫燭

白紵歌

皎皎白紵白且鮮將作春衣稱少年裁縫長短不能

定自持刀尺向姑前復恐蘭膏汗纖指常遣傍人收
墮珥衣裳着時寒食下還把玉鞭鞭白馬

野老歌一作山農詞

老翁家貧在山生耕種山田三四畝苗疎稅多不得
食輸入官倉化為土歲暮鋤犁倚空室呼兒登山牧
橡實西江賈客珠百斛船中養天長食肉

寄衣曲

織素縫衣獨苦辛遠因回使寄征人官家亦自寄衣
去貴從妾手着君身高堂姑老無侍子不得自到邊
城裏慙慙爲看初着時征夫身上宜不宜

送遠曲

戲馬臺南山簇簇山邊飲酒歌別曲行人醉後起登
車席上回尊勸僮僕青天漫漫覆長路遠遊無家安
得住願君到處自題名他日知君從此去

築城詞

築城處千人萬人抱把杵重重土堅試行錐軍吏執
鞭催作遲來時一年深磧裏盡着短衣渴無水力盡
不得休村聲杵聲未定人皆死家家養男當門戶今
日作君城下土

猛虎行

南山北山樹冥冥猛虎白日繞林行向晚一身當道
食山中麋鹿盡無聲年年養子在空谷雌雄上山不
相逐谷中近窟有山林長向村家取黃犢五陵年少
不敢射空來林下看行迹

別離曲

行人結東出門去幾時更踏門前路憶昔君初納采
時不言身屬遼陽戍早知今日當別離成君家計良
爲誰男兒生身自有役那得誤我少年時不如逐君
征戰死誰能獨老空閨裏

牧童詞

遠牧牛遠村四面禾黍稠陂中飢鳥啄牛背令我
不得戲壠頭入陂草多牛散行白犢時向蘆中鳴隔堤
吹葉應同伴還鼓長鞭三四聲牛群食草真相觸官
家截爾頭上角

沙堤行呈裴相公

長安大道沙爲堤風吹無塵雨無泥宮中玉漏下三
刻朱衣導騎丞相來路傍高樓息歌吹千車不行行
者避街官閭吏相傳呼當前十里惟空衢白麻詔下
移相印新堤未成舊堤盡

求仙行

漢皇欲作飛仙子年年採藥東海裏蓬萊無路海無
邊方士舟中相枕死招搖在天迴白日甘泉玉樹無
仙實九皇真人終不下空向離宮祠太乙丹田有氣
凝素華君能保之昇絳霞

古釵嘆

古釵墜井無顏色百尺泥中今復得鳳凰宛轉有古
儀欲爲首飾不稱時女伴傳者不知主羅袖拂拭生
光輝蘭膏已盡股半折雕文刻樣無年月雖離井底
入匣中不用還與墜時同

各東西

遊人別一東復一西出門相背兩不返惟信車輪與
馬蹄道路悠悠不知處山高海闊誰辛苦遠遊不定
難寄書日日空尋別時語浮雲上天雨墮地暫時會
合終離異我今與子非一身安得死生不相棄

節婦吟

君知妾有夫贈妾雙明珠感君纏綿意繫在紅羅襦
妾家高樓連苑起良人執戟明光裏知君用心如日
月事天誓擬同生死還君明珠雙淚垂何不相逢未
嫁時

燕客詞

上客不用顧金羈主人有酒君莫違請君看取園中
花地上漸多枝上稀山頭樹影不見石溪水無風映
更碧人人齊醉起舞時誰覺翻衣與倒幘明朝花盡
人已去此地獨來空繞樹

永嘉行

黃頭鮮卑入洛陽胡兒持戟升明堂晉家天子作降
虜公卿奔走如騶羊紫陌旌旗暗相觸家家雞犬驚
上屋婦人出門隨亂兵夫死眼前不敢哭九州諸侯
自顧土無人領兵來護主北人避胡皆在南南人至
今能晉語

採蓮曲

秋江岸邊蓮子多採蓮女兒凭船歌青房圓實齊戰
戰爭前競折漾微波試牽綠莖不尋藕斷處絲多刺
傷手白練束腰袖半卷不插玉釵粧梳淺船中未滿
度前洲借問阿誰家住遠歸時共待暮潮上自弄笑
蓉還蕩槳

傷歌行

黃門詔下促收捕京兆尹繫御史府出門無復部曲
隨親戚相逢不容語辭成謫慰南海州受命不得須
史留身着青衫騎惡馬東門之外無送者郵夫防吏

急喧驅往往驚墮馬蹄下長安里中荒大宅朱門已
除十二戟高堂舞榭鎖管絃美人遙望西南天

吳宮怨

吳宮四面秋水江清露白芙蓉死吳王醉後欲更
衣座上美人嬌不起宮中千門復萬戶君恩反復誰
能數君心與妾既不同徒向君前作歌舞柔更滿官
紅寶垂秋風嫋嫋生繁枝姑蘇臺上夕燕罷它人侍
寢還獨歸白日在天光在地君今那得長相棄

北邙行

洛陽北門北邙道喪車麟轡入秋草車前齊唱薤露
歌高墳新起日峨峨朝朝暮暮人送葬洛陽城中人
更多千金立碑高百尺終作誰家柱下石山頭松柏
半無主地下白骨多於土寒食家家送紙錢烏鳶作
窠銜上樹人居朝市未解愁請君暫向北邙遊

關山月

秋月朗朗關山上山中行人馬蹄響關山秋來雨雪
多行人見月唱邊歌海邊茫茫天氣白胡兒夜度黃
龍磧軍中探騎暮出城伏兵暗處低旌戟沙磧連天
霜草平野駝尋水磧中鳴隴頭風急鴈不下沙場苦
戰多流星可憐萬里關山道年年戰骨多秋草

少年行

少年從獵出長楊禁中新拜羽林郎獨到鰲前射雙
虎君王手賜黃金璫日日闢雞都市裏贏得寶刀重
刻字百里報警夜出城平明還在娼樓醉遙聞虜到
平陵下不待詔書行上馬斬得名王獻柱宮封侯起
第一日中不同六郡良家子百戰始取邊城功

白頭吟

請君膝上琴彈我白頭吟憶昔君前嬌笑語兩情宛
轉如營素宮中爲我起高樓更開花池種芳樹春天
百草秋始衰棄我不待白頭時羅襦玉珥色未暗今
朝已道不相宜楊州青銅作明鏡暗中持照不見影
人心回互自無窮眼前好惡那能定君恩已去若再
返舊蒲花開月長滿

將軍行

彈箏峽東有胡塵天子擇日拜將軍蓬萊殿前賜六
纛還領禁兵爲部曲當朝受詔不辭家夜向咸陽原
上宿戰車彭彭旌旗動三十六軍齊上隴龍頭戰勝
夜亦行分兵處處收舊城胡兒殺盡陰磧暮擾擾唯
有牛羊聲邊人親戚曾戰沒今逐官軍收舊骨磧西
行見萬里空幕府獨奏將軍功

賈客樂

金陵向西賈客多船中生長樂風波欲發移船近江
口船頭祭神各流酒停杯共說遠行期入蜀經蠻誰
別離金多衆中爲上客夜夜算籌眠獨遲秋江初月
猩猩語孤帆夜發瀟湘渚水工持檣防暗灘直過山
邊及前侶年年逐利西復東姓名不在縣籍中農夫
稅多長辛苦棄業寧爲販寶翁

羈旅行

速客出門行路難停車欽策在門端荒城無人霜滿
路野火燒橋不得度寒蟲入窻烏歸巢僮僕問我誰
家去行尋田頭暄未息雙轂長轅礙荆棘緣岡入澗
投田家主人舂米爲夜食晨雞喔喔扉屋傍行人起
掃車上霜舊山已別行已遠身計未成難復返長安
陌上相識稀遙望天門白日晚誰能聽我辛苦行爲
向君前歌一聲

車遙遙

征人遙遙出古城雙輪齊動駟馬鳴山川無處不歸
路念君長作萬里行野田人稀秋草綠日暮放馬車
中宿驚麋游兔在我傍獨唱鄉歌對僮僕君家大宅
鳳城隅年年道上隨行車願爲玉鑾繫華轡終日有

聲在君側門前舊路久已拋無由復得君消息

妾薄命

薄命嫁得家子無事從軍去萬里漢家天子平四夷
護羌都尉裹屍歸念君此行爲死別對君裁縫泉下
衣與君一日爲夫婦千年萬歲亦相守君愛龍城征
戰功妾願青樓歌樂同人生各各有所欲詎得將心
入君腹

朱鷺

翩翩兮朱鷺來汎春塘栖綠樹羽毛如翦色如染遠
飛欲下雙翅歛避人引子入深漸動處水紋開漣漣
誰知豪家網爾軀不如飲啄江海隅

遠別離

蓮葉團圓荇葉折長江鯉魚鱗赤念君少年棄親
戚千里萬里獨爲客誰言遠別心不易天星墜地能
爲石幾時斷得城南陌勿使居人有行役

焚宮行

章華宮中九月時桂花未落紅檣垂江頭騎火照輦
道君王夜從雲夢歸霓旌鳳蓋到雙闌臺上重重歌
吹發千門萬戶開相當燭籠左右列成行下輦更衣
入洞房洞房侍女盡焚香玉階羅幃微有霜齊言此

夕樂未央王酒湛湛盈華觴絲竹次第鳴中堂巴姬
起舞向君王迴身垂手結明璫願君千年萬年壽朝
出射麋夜飲酒

江南曲

江南人家多橋樹吳姬舟上織白苧土地卑濕饒蟲
蛇連木爲牌入江住江村亥日長爲市落帆度橋來
浦裏清莎覆城竹爲屋無井家家飲潮水長干午日
沽春酒高高酒旗懸江口娼樓兩岸懸水柵夜唱竹
枝留北客江南風土歡樂多悠悠處處盡經過

烏啼引

秦烏啼啞啞夜啼長安吏人家吏人得罪因在獄傾
家賣產將自贖少婦起聽夜啼烏知是官家有赦書
下床心喜不重寐未明上堂賀舅姑少婦語啼烏汝
啼慎勿虛借汝庭樹作高窠年年不令傷爾雛

促促詞

促促復促促促家貧夫婦懽不足今年爲人送租船去
年捕魚向江邊家中姑老子復小自就吳納輸稅錢
家家桑麻滿地黑念君一身空努力願教牛蹄團團
一角直君身常在應不得

宛轉行

華屋重翠帷綺席雕象床遠漏微更疎薄衾中夜涼
爐氣暗徘徊寒燈背斜光妍姿結宵態寢覺幽夢長
宛轉復宛轉憶君更未央

唐張司業詩集卷一

唐張司業詩集卷二

五言律詩

薊北旅思

日日望鄉國空詩白字詞長因送人處憶得別家時
失意還獨語多愁祇自知客亭門外柳折盡向南枝

江南春

江南楊柳春日暖地無塵渡口過新雨夜來生白蘋
晴沙鳴乳燕芳樹醉遊人向晚青山下誰家祭水神

西樓望月

城西樓上月復是雪晴時寒夜共來望思鄉獨下邊
幽光落水壑淨色遍霜枝明日千里去此中還別離

別鶴

雙鶴出雲谿分飛各自迷空巢在松頂折羽落江泥
尋水終不飲逢林亦未栖別離應易老萬里兩妻妻

江陵孝女

孝女獨垂髮少年唯一身無家空托墓主祭不從人
相吊有行客起廬因舊隣江頭聞哭處寂寂楚花春

山中古祠

春草空祠墓荒林唯鳥飛記年碑石在經亂祭人稀

野鼠緣朱帳陰塵蓋盡衣近來潭水黑時見宿龍歸

漁陽將

塞深沙草白都護領燕兵放火燒奚帳分旗築漢城
下營看嶺勢尋雪覺人行更向桑乾北擒生問殲名

聽夜泉

細泉深處落夜久漸聞聲獨起出門聽欲尋當澗行
還疑隔林遠復畏有風生月下長來此無人亦到明

送南遷客

去去遠遷客瘴中衰病身青山無限路白首不歸人
海國戰騎象蠻州市用銀一家分幾處誰見日南春

薊北春懷

渺渺水雲外別來音信稀因逢過江使却寄在家衣
問路更愁遠逢人空說歸今朝薊城北又見塞鴻飛

思遠人

野橋春水清橋上送君行去去人應老年年草自生
出門省遠道無信向邊城楊柳別離處秋蟬今復鳴

贈同谿客

幽居得相近煙景每寥寥共伐臨谿樹同爲過水橋
自教青鶴舞分採紫芝苗更愛南峰住尋君路恐遙

望行人